

【國家社會科學基金重大項目】

何建明

主編

中國地方志
佛道教文獻匯纂

寺觀卷

(21)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（21）



國家圖書館出版社

承德府志卷二十

寺觀二

灤平縣

穹寬寺 在縣喀喇河屯

行宮東南里許南嚮康熙四十三年

聖祖駐蹕喀喇河屯隨侍人員恭建此寺以祝

萬壽門額曰

勅建穹寬寺門內左右爲鐘鼓樓中植碑一恭鐫

聖祖御製碑文內爲正殿前楹恭懸

御書寺額殿內

題額曰清音貝葉又恭懸

高宗御書額曰性澄覺海東西爲配殿又內爲後殿額曰

天半香林東西有配殿寺基爲坡陀小阜門俯灤

河如練如帶隔岸諸山螺髻湧現有俯視層穹之

概云

互見

欽定熱河志
大清一統志

聖祖御製穹覽寺碑文

喀喇河屯者蒙古名色釋之卽烏城也乃古興州之所

轄因世久事殊前朝未及設官分職皇輿等書編察難

考朕避暑出塞因土肥水甘泉清峯秀故駐蹕於此未
嘗不飲食倍加精神爽健所以鳩工此地建離宮數十
間茅茨土階不彩不畫但取其容坐避暑之計也日理
萬幾未嘗少輟與宮中無異萬幾偶暇卽窮經史性理
諸書臨池揮翰膳後卽較射觀德以安不忘危之念此
其大畧也因有離宮隨侍人員共祝萬壽而建寺不日
卽成又求匾額以垂永久朕賜書云宮覽取沈約驤首
覽層穹之意在行宮之異位寺勢雖微蓮社梵音鈴鐸
經聲巨細皆備內有三大士相仙衣飄颻瑞園涵影以

空寂爲本慈悲爲教汲引四生津梁三界清鐘夜聞遠
近罔弗皈依月殿朗輝中外靡不瞻仰况右倚層巖左
帶大河口外諸藩來往進貢皆由經過三庚無暑六月
生風地脈宜穀氣清少病誠爲佳景前朝以戍邊不暇
何得駐蹕今四海爲一八表同風自京北至萬里如同
家人父子豈有他術哉以誠而已今臣下歸福於朕朕
曰天下皆福朕之福也先憂後樂朕之職也所願者年
豐歲稔烟塵永息余之念茲在茲之意足矣無以妄求
佛有所知自有保護康熙四十三年歲次甲申秋八月

中秋日

聖祖御製穹覽寺偶成詩

塞北鐘聲久不聞
梵宮列剎共氤氲
雨花柏樹同僧老
開世瞿曇永法雲

高宗御製穹覽寺詩

招提鈴鐸午風吹
罽畫山川入望奇
徙倚試思廿年事
苔封碑字紀康熙

琳霄觀 在縣喀喇河屯

行宮東南三里許
康熙四十九年建
觀南嚮門外樹

坊二前曰興州勝境後曰紫塞春臺門額曰琳霄
觀門內左右爲鐘鼓樓內爲靈官殿又內爲聖母
殿額曰資生保赤東西爲配殿又內爲火神殿額
曰德炳南離皆

聖祖御書門左植碑一工部侍郎兼翰林院掌院學士揆
敘奉

勅撰誠親王允祉奉

勅書觀與穹覽寺相望淨界梵天鐘魚互答瑞靄吉雲真

去天尺王矣

欽
定熱河志

星龕巖寺 在縣西北五十三里康熙年間

勅建就巖鑄三石佛梵相奇古大殿奉

聖祖御書星龕巖額

靜妙寺 在縣治西藍旗營康熙年間建有

聖祖御賜靜妙寺額

峭壁寺 在縣治東南樺榆溝康熙年間建

聖祖御書殿額曰天半香林亭額曰森萬象

已上
欽定熱河志

互見
清一統志

石佛寺 在縣治南二十里寺建於山之隈四圍峯

密層疊盤道而上梵唄鐘聲時出林表洵爲靈山

勝境

福壽寺 在縣治西六十里之雲臺山乾隆二十三

年僧法雨建

已上初纂 國朝劉統勳雲臺山福壽寺碑記金勾屯去古北口約百里

許層密聳秀帶水縈波遠隔塵囂疑非人境由金勾屯紆迴而東僅四五里有所謂東溝者林壑尤勝明季猶屬塞外雖奇士高人展齒亦不能及此迨我朝以來窮荒遐邇悉隸版圖而居人始多焉一旦法雨上人自都門擁錫來遊喜其地僻翦除荆榛結茅以處冬一衲夏一笠日惟進粗糲一盂是師以淡泊自甘人亦遂以重師也異日者因向衆而謀曰此地山環水抱幽人所宮吾將終老於斯矣雖然頻年來此方之風調雨順樂業安居者何莫非神之力吾欲創一寺俾朝夕懺禮爲一

方祈福而吾之願始愜衆聞之莫不踴躍捐貲以共勦斯舉於是鳩工庀材建天仙大殿於山之巔又有巡山廟五聖祠下復立觀音堂及藥王庵其香積戲樓無不畢具告竣之日士女雜沓而至者見其金姿寶相棟宇輝煌亦莫不嘖嘖歎美而不置寺成乏名衆咸向師而請師曰嘻是豈余之力哉衆檀越之功德居多余不過所求佛力俾此方之人長享福壽於無窮耳即以福壽命名亦無不可由是寺之名遂定師俗姓劉名文奎大興縣六里屯民自幼卽爲闍宦入內廷充膳房上饌內侍後歷諸艱而塵心頓息遂披剃於京城吉祥寺禮普光爲師復以不耐喧囂始來棲茲土噫師側身富貴之叢能超出迷津而覺悟者斯以視夫煩惱奔馳永填苦海者奚啻霄壤也衆恐歷久湮沒無傳因勒石以記云大清乾隆歲次丁丑立石經筵日講官起居注太子太傅刑部尚書兼翰林院掌院學士劉統勲撰右春坊詹事府贊善翰林院檢討路斯道書

斗姥宮 在縣治南十餘里廟有古柏一株黛色參

天輪囷礪柯云百數十年物也

白塔院 在縣境今廢存有元至元二年白塔院碑

相傳農人掘地而得之者碑石堅白如玉字蹟不

甚殘闕而碑文淺陋不足觀

已上
初纂

豐寧縣

雲光洞廟 在中關西北三十里石洞溝康熙六十

一年建

聖祖御書額曰雲寶珠光遂以名洞洞中供三世佛旁室

奉紫微斗極及釋利大士有碑一內閣學士兼禮

部侍郎蔣廷錫撰文翰林院侍讀學士陳邦彥書

欽定熱河志

案蔣廷錫

所撰碑已詳載山川雲光洞下

安禪寺 在中關北三十七里什巴爾台康熙四十

二年建有

聖祖賜安禪寺額

初纂

寶蓋寺 在土城子東五里半山上創建無考寺內

有石洞一鑄石像十七尊嘉慶四年同知寶德重

修

初纂

金雲寺

在土城子南二十里乾隆元年建

觀音寺

一在土城子南二十里一在土城子東北

一百二十里

已上

欽定熱河志

清泉寺

一名淨泉觀在土城子西南康熙年間建

因寺有清泉故名

初纂

千佛寺

一在土城子北八里一在大閣兒東北四

十三里

興隆寺

在土城子東北九十里五峯山

釋迦佛廟

在五峯山

已上

欽定熱河志

白塔寺 在郭家屯南六十里寺有浮屠高十丈餘

旁刻蒙古字年久漫漶不可辨

初纂

靈通寺 在大閣兒東南五十里龍泉山過寺里許

有龍潭三邊寺前石澗東南流入潮河

定熱河志

飲

山門有靈通寺額雍正三年世子宏昇書大殿三

楹內供龍母又有甌塔一

初纂

洪湯寺 在大閣兒西南六十里湯山山有溫泉康

熙二十二年僧明林建寺甃浴池於泉側

普濟寺 在大閣兒西

月珠寺

在大閣兒北六十里喇嘛山寺有石佛鐫

鏤絕工

已上
欽定熱河志

玉皇廟

一在土城子東北一百里少府營一在土

城子東一百二十里之黃姑屯俱康熙年間建

呂仙廟

在黃姑屯東興隆山

三清觀

在黃姑屯北三里創建無考

天仙廟

在郭家屯鳳凰山

已上
初纂

平泉州

靜安寺

在大寧故城南十家兒村遼咸雍間蘭陵

郡蕭夫人建碑字漫漶不可讀寺址尙存

欽定熱

河志今寺在大寧城南里許有古寺基址周圍數十

畝碑尙存額書大遼義州大橫帳蘭陵郡夫人蕭

氏創建靜安寺碑銘

初纂碑銘五

遼耶律興公靜安寺

土則大定之分甲天下焉三教並化皇國崇乎至
道則梵刹之制布域中焉苟或就風雨交會之邦
闢龍象棲遊之境法興地口可得而言若夫迦文
示寂之餘招提奉像之設締構獲其善報供事植
其勝因則歷世建寺之文道之常矣今畧而不書
但敘茲地權輿之事今口太祖天皇帝總百年之
正統開萬世之寶口公族衍盛枝葉芬茂故南大
口諱璟卽帝之房孫也故左金吾衛上將軍諱寧
卽公之長子也故檢校太師左千牛衛上將軍知
涿州軍州事諱昌允卽金吾之子也協輔王室許